



Universitätsbibliothek Paderborn

**Novæ Observationes Et Additiones Ad A. R. P. D.
Bartholomæi Gavanti Congreg. Cleric. Regul. S. Pauli ac
Sac. Rit. Congregat. Consultoris Commentaria In Rubricas
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad
præsens emanatis

Complectens omnia Gavanti Commentaria in Rubricas Breviarii - Cum
Indicibus Decretorum, Rerum atque Verborum notabilium

Merati, Gaetano Maria

Augustæ Vindelicorum, 1740

VD18 10783695-002

De Dominica. V.

urn:nbn:de:hbz:466:1-39775

10 Quomodo autem sit ordinandum ejus Officium, insuper & de Lettionibus, Responsoriis, & aliis, & quomodo initia librorum Scriptura cum sua Historia sint ponenda, habentur de singulis inferius propria Rubrica.

Novæ Observationes, & Additiones ad Gavanti

Cap. V. De Dominicæ.

I. Gavant. pag. 18. col. 2. num. 1. -- *In omni Dominicæ &c.)* Optimè ponderat Henricus Pifart in suo Directorio Canonico ad tit. 4. *de Dominicis*, quod sicut olim Deus completo opere in Creatione Mundi sex dieorum spatio, benedixit diei septimo, & sanctificavit illum; ita recreato, & redempto, per Christum, Mundi, sanctificatus fuit dies Resurrectionis ejus, festumque Sabbati in hunc diem, qui Dominicus dictus est, a Christo, & Apostolis fuit translatum. Unde notat Cyrus relatus à Cornelio à Lapide cap. 20. in Iohannem v. 26. *Apostolos jam tunc ex iis apparitionum Christi cœpisse die Dominicæ Conventus Ecclesiasticos agere, & quasi Conferare diem Dominicum, eo quod eo die Christus resurrexisset; quare Christum ad Dominicam Sabbatho substituendam sensim Apostolos direxisse.* Qui quidem dies id est Dominicus appellatur, ait Augustinus serm. 25. de Tempore, ut in eo à terrenis operibus, vel mundi illecebris abstinentes tantum Divinis Cultibus serviamus, dantes scilicet huic diei honorem, & reverentiam propter ipsum Resurrectionis nostræ, quam habemus in illa. Dominicæ diei varias prærogativas recenset Eminentissimus Card. Bona in tract. de Divina Psalmodia cap. 16. §. 18.

Hujusmodi autem Dominicæ, ut etiam alibi innuimus, aliae dicuntur Majores, aliae Minores, sive per annum. Majores sunt illæ, in quibus præcipua Creationis, & Redemptionis Mysteria recoluntur; nimisq; Dominicæ Adventus, & quæ occurunt à Septuagesima usque ad Dominicam in Albis inclusivæ, & præterea Dominicæ Pentecostes, & Sanctissimæ Trinitatis. Dominicæ mino-

res, sive per annum sunt reliquæ, quæ per totum anni decursum occurunt.

Dominicæ majores dividuntur in duas Classes. Dominicæ primæ Classis sunt, quæ nulli Festo cedunt, & idcirco nunquam omittuntur, ejusmodi autem sunt: Prima Adventus, Prima Quadragesima, Passionis, Palmarum, Paschæ, in Albis, Pentecostes, & Trinitatis.

Dominicæ secundæ Classis sunt illæ, quæ non omissuntur, nisi occurrente Patrono Principali, vel Titulari Ecclesiæ, & ejusdem Dedicatione; & tunc de his semper fit Commemoratio in utrisque Vesperis, & Laudibus; Ejusmodi autem sunt: Secunda, Tertia, & Quarta Adventus. Dominicæ Septuagesimæ, Sexagesimæ, Quinquagesimæ, Secunda, Tertia, & Quarta Quadragesimæ, ut colligitur ex Tabella Breviarii de hac re tractante. De quibus etiam mentionem facit Gavantus hoc cap. n. 11.

Dominicæ ulteriùs dividuntur in Vacantes, & non Vacantes. Vacantes dicuntur illæ, de quibus nihil omnino fit in Officio currentis diei, ut contingit, quando Festum Nativitatis, aut Circumcisionis, aut Epiphania Domini, vel Festa, aut Ottava Sancti Stephani, vel Iohannis Apostoli, aut Innocentium MM. vel denique Vigilia Epiphanie in Dominicam incident. Tunc enim quia in Officio ejusmodi Festorum, vel dierum de Dominicæ, in qua occurunt, nihil fit ne quidena Commemoratio, ideo Dominicæ eo anno vacare, seu Dominicæ vacans dicitur - Non Vacantes dicuntur illæ, quæ vel totum Officium, vel saltem Commemorationem, & Lectionem Evangelii, de suo Officio habent, Gavantus hic



hic num. 4. rationem reddit, cur à Nativitate Domini usque ad Epiphaniam dantur hujusmodi Dominicæ Vacantes.

Dividuntur præterea Dominicæ in *Vagis*, & *fixas*. *Vagæ* dicuntur illæ, quæ nec certum cum aliis ordinem, nec certum *Introitum*, nec alia determinatè necessaria (puta *Offertorium*, *Graduale*, & *Communione*) in Missa habent, & post longum tempus transferuntur: tales autem sunt tantum Tertia, Quarta, Quinta, & Sexta post Epiphaniam, utpote quæ subinde post Epiphaniam, aliquando verò longe post Pentecosten celebrantur, habentque alium *Introitum*, aliud *Offertorium*, & aliam *communionem*, si celebrentur, seu suppleantur post Pentecosten, quæ habent, si celebrentur statim post Epiphaniam. Reliquæ verò omnes ob rationem contrariam *Dominica fixæ* dicuntur, nisi prioribus addenda etiam sit Dominicæ XXIII. post Pentecosten, eo quod & ipsa proprium in die Dominicæ aliquando non habet locum; id quod contingit, quando post Pentecosten usque ad Adventum numerantur solam XXIII. Dominicæ: tunc enim quia ultima illa Dominicarum, quæ sunt post Pentecosten usque ad Adventum, juxta Rubricam superiorēm de *Dominicis*, semper debet esse illa Dominicæ, quæ est in ordine XXIV. Ideo Officium Dominicæ XXIV. ponitur tunc loco Dominicæ XXIII. Officium autem Dominicæ XXIII. tunc ponitur in Sabbato, Dominicam illam ultimam post Pentecosten immediate præcedente, dummodo illud non sit impedimentum Festo novem Lectionum, etiam translato, & etiam Festo novem Lectionum ad libitum, non tamen Officio Votivo, ut de SS. Sacramento, Immaculata Concepcione, & similibus, ac etiam Festo simplici alioquin in alia præcedenti-die similiter non impedita: de hac re dif-
currunt etiam Gavantus hic à num. 7. usque ad 10. inclusiæ, & de prædictis Dominicis *Vagis* tractat Gavantus etiam tom. 1. par. 4. stir. 4. num. 4.

II. Gavant. pag. 18. col. 2. num. 3. -- *Sunt privilegiatae.*) Dividuntur præterea Dominicæ Minores, & per annum in privilegiatas, & non privilegiatas. Privilegiatae sunt quatuor, nimirum ex, quas recenlet Gavantus hic, ceteræ aliae dicuntur non privilegiatae, quia in his Officium est Dominicale, non vero octavæ illius, infra quam aliquando incedunt.

III. Gavant. pag. 20. col. 2. n. 12. -- *Ea igitur prima esse dicitur, quæ &c.)* Inuit Gavantus, Dominicam primam alicujus Mensis eam censendam esse, quæ venit in Kalendis, vel quæ est proximior Kalendis talis mensis, sive ante, sive post. Lohner autem par. 5. in *Rubricas Breviarii littera G.* ait, quod ut clarius explicetur, illa est dicenda Dominicæ prima Mensis, juxta Rubricas Breviarii, quæ vel cadit in tres ultimas dies hebdomadae antecedentis Calendas, vel in quatuor primos dies hebdomadae sequentis Calendas, quod idem pariter dicendum est cum proportione de Prima Dominicæ Adventus respectu Festi S. Andreae, nimirum, quod sit illa, quæ vel cadit in ipsum Festum, vel quæ est ipso Festo proximior.

IV. Gavant. pag. 20. col. 2. n. 13. -- *De Officio Dominicæ dicimus, cum de Matutino, & aliis &c.)* Pro ordinando Officio Dominicæ legenda sunt, quæ traduntur in Rubricis Breviarii tit. 4. de Dominicis n. 8. & seqq. & ea, quæ tradit Gavantus *Set. 4. cap. 1.* agendo de Matutino, & aliis.

Advertere tamen debemus, quod Dominicæ Majores, de quibus supra mentionem fecimus, primæ, vel secundæ Classis, non sequuntur Ritus Duplicium primæ, vel secundæ Classis, nam Ritus earum non est nisi semiduplex, exceptis Dominicis Paschæ, in Albis, Pentecosten, & Trinitatis. Ritus porro Dominicarum Paschæ, & Pentecosten cum duobus sequentibus diebus est ad instar Festorum primæ Classis; Dominicæ in Albis est Duplex ad instar majoris quoad Ritus celebrandi Officium, sed primæ Clas-

sis



sis quoad exclusionem aliorum Festorum.
Ritus verò in Dominica Sanctissimæ Trinitatis est secundæ Classis. Quæ quidem Dominica in Tabula Festorum recensetur inter Dominicas primæ Classis, unde excludit quocunque Festum etiam primæ Classis, sed celebratur Festum Sanctissimæ Trinitatis sub Ritu Duplicis secundæ Classis, de

qua re videatur Gavantus Sectione 6. cap. 19. num. 2.

Pro coronide hujus Sectionis mentio facienda est de Decreto edito à Sacra Rituum Congregat. die 12. Martii 1618. & dato in nostro indice sub num. 41. in quo declaratur, quod sub nomine Festi novem Lectiōnum veniat etiam Dominica.

De Feriis. V.

R U B R I C A.

- 1 Officium Feriale, hoc est, Simplex de Tempore occurrenti, prout in Psalterio, & proprio de Tempore habetur, fit semper in Feriis Adventus, Quadragesima, Quatuor Tempor. Vigiliarum, & in Feria secunda Rogat. quando infra Hebdom. non occurrit Festum Duplex, vel Semiduplex, vel de Oct. quia tunc de hujusmodi Ferius fit commemorat. ut dicetur in Rubrica de Commemorationibus. Si verò in eis occurrat Festum Simplex, de eo fit tantum commemorat. Item per annum fit Officium de fer. illis diebus, quibus infra Hebdom. in Kalendario non ponitur aliquod Festum Duplex, Semiduplex, vel Simplex, & non occurrit aliqua oct. vel Officium S. Mariae in Sabbato, vel aliquod Festum sollempne; aut consuetum in aliqua Ecclesia celebrari, quamvis in Kalendario hujus Breviarii non sit descriptum.
- 2 Officium Feria in Adventu, Quadragesima, Quatuor Temporum, Vigiliis, & prima die Rogationum, incipit à Matutino: in aliis verò Feriis per annum, inde fit de feria, ubi desinat Offic. precedentis diei, ita ut si precedentie die fuerit Duplex, vel Semiduplex, Offic. Ferie incipiat sequenti die à Matutino, si precedentie die fuerit Festum Simplex, de feria sicut à vespere illius precedentis diei inclusivè. Similiter & quando in Feria iv. & vi. Quatuor Tempor. Septemb. & in Feria iv. Cinerum, ac in vigiliis occurrit aliquod Festum Simplex, de quo fieri debet commemorat. tunc precedentie die (nisi fuerit Festum ix. Leet.) in vesp. fit de Feria, ut in Psalt. sine precibus, cum Oratione Dominicæ precedentis, & cum commemorat. Festi tritum Lectionum in sequenti feria occurrentis, ut dicetur infra in Rubrica de Concurrētia. Terminatur autem Offic. de feria subsequente Duplici, vel Semiduplici ad Nonam: subsequence verò Simplici, de quo fieri debeat Offic. ad Capitulum Vesperarum, quia inde fit de Feste Simplici, absque illa deinceps commem. Ferie.
- 3 Ad Matutinum dicitur unum tantum Nocturnum cum xii. Psalmis secundum ordinem Feriarum in Psalterio, & tribus Lectionibus ut in proprio de Tempore.
- 4 Excipiuntur ab hoc ordinario Officii Ferialis tres Feriae majores Hebdomada Sancta, & Feriae Octavar. Pascha & Pentecostes, in quibus fit Officium, ut in propriis locis ponitur.

5 Quo-



5 Quomodo ordinandum sit Officium de Feria ad Matutinum & alias Horas: item de Lectionibus & Responsoriis: & quando dicenda sint Preces Feriales; ac de aliis, quae ad Officium Feriae pertinent, habentur inferius de singulis propriis Rubricis.

Novæ Observationes, & Additiones ad Gavanti

Cap. VI. De Feria.

Gavant, pag. 21. col. 1. n. 2. -- Feiarum genus duplex, majus alterum &c.) Hic Feriae nomine intelligitur dies, in quam nullum Officium de Sancto, aut alicujus Festi octava, nec de Dominica, Ritu Duplici, aut Semiduplici celebrata, nec denique de Vigilia, aut de B. V. in Sabbato recitandum cadit. Hoc sensu accepta Feria, dividitur in maiorem, & minorem, ut innuit, & de quibus satis locutus est Gavantus hoc loco, cuius explicationibus addere debemus, quod Feriae majores subdividuntur in privilegiatas, & non privilegiatas. Privilegiatas sunt, quæ nulli alteri Officio, aut Festo cedunt, tales sunt sequentes, nempe. Primo Feria IV. Cinerum. Secundo Feria omnes majoris Hebdomade. Tertio Feria omnes infra octavam tam Pasche, quam Pentecostes; Nam & dies infra utramque hanc octavam occurrentes ab ipso Breviario Romano, non tantum in proprio de tempore, sed etiam in praesenti Rubrica num. 4. Feriae appellantur. Haec igitur omnes Feriae privilegiatas excludunt quocumque aliud Officium, ac Festum in iis occurrens, etiam primæ Classis, facientes id transferri saltem in Choro: nam in Foro, seu quoad obligationem audiendi Sacrum, & abstinendi ab opere servili, regu-

lariter Festa fori, in hujusmodi Feriis, ac diebus privilegiatis occurrentia non transfruntur; excipitur tamen ex parte Festum Annunciationis B. M. V. quod occurrens in Feria VI. Parasceves, aut Sabbato Sancto, tam in Choro, quam in Foro transfertur, ut diximus in Tomo superiori, & diceimus etiam infra in proprio de Sanctis.

Cæteræ Feriae Majores, quæ Festis Duplicibus, aut etiam Semiduplicibus in iis occurrentibus cedunt, dicuntur non privilegiatas, nemirum respectu Festorum 9. Lectionum; nam Festis simplicibus, ac Vigiliis etiam, haec non cedunt, saltem quoad Officium, quod additur, quia si Vigilia aliqua occurrat in alia Feria sine Commemoratione Vigilia, Missa tamen tunc dicitur de Vigilia cum Commemoratione Feriae Adventus.

Feria Minores per annum (qualis est etiam Feria III. Rogationum) cedunt cuicunque Festo etiam trium Lectionum, ita ut in Officio, occurrentis in ea Festi simplicis, de predicta Feria III. Rogationum, & multis magis de aliis Feriis, neque fiat Commemoratio. Eadem Feriae minores per annum cedunt etiam Officio B. M. in Sabbato, item Vigiliis, necnon diebus infra octavam aliquam, ac à fortiori ipsis octavis.

De Vigiliis. VI.

R U B R I C A.

DE Vigilia fit Officium in omnibus Vigiliis per annum, qua jejunantur, ubi in Kalendario annuntiatur hac vox, Vigilia: nisi in die Vigilia occurrat Festum novem Lectionum, vel Octava; tunc enim in Officio novem Lectionum legitur nona Lectio de Homil. Vigil. & fit commemoratione de ea ad Laudes tantum, cum An-

Gavant. Rubr. Brev.

F

tipho-

